

# Powšitkowne WOZJEWJENJA

njedźelu, 17. januara 2016

## **Za Swětowe zetkanje młodžiny hač do přichodneje srjedy so přizjewić**

Serbscy młodostni podadza so klětu zhromadnje na Swětowe zetkanje młodžiny do Krakowa. Tute wotměje so wot 20. do 31. julija. Přizjewić měli so k tomu najpozdzišo hač do přichodneje srjedy, 20. januara 2016 z formularom. Tute su w cyrkwjach wupožowane. Wšitke nadrobne informacije su na tutech flajerach a w Katolskim Posole podate.

## **Hłowna wólbna zhromadźizna TCM**

Předsydstwo Towarstwa Cyrila a Metoda z.t. (TCM) přeprašuje wšitkich člonow towarstwa, člonow sekcijow a korporacijow kaž tež zajimowanych hosći na swoju hłownu wólbnu zhromadźiznu pónđzelu, 22. februara, do Radworja. Započnjemy we 18.30 hodź. z Božej mšu w cyrkwi. Přizamknje so zhromadźizna na farje.

## **Swjedzeń swjateho Bosćana w Chróšćicach**

Předsydstwo Bratstwa swjateho Bosćana přeprašuje wšitkich na swjedzeń swjateho Bosćana srjedu, 20. januara, do Chróšćic. Bože mšě budu w 6.45 hodź., 9.00 hodź. a 19.00 hodź. Swjedženski nyšpor z procesionom po wsy je w 14.00 hodź. Po nyšporje změja člonjo bratstwa na farje swoju hłownu zhromadźiznu. Wěriwi ze wšitkich serbskich wosadow su přeprašeni, do Bratstwa swjateho Bosćana zastupić. Štóž chce z člonom być, njech so hač do soboty, 17. januara, na Chróšćanskej farje přizjewi, telefonowe čisło (03 57 96) 8 04 00.

## **DVD z filmom pasionskeje hry hotowa**

Wšitcy, kotřiž su sej knihu wo pasionskej hrě kupili, móža sej nětko tež k njej slušacu DVD z filmom darmotnje wotewzać. To je móžno we wšěch wobchodach, hdžež su sej wobrazowy zwjazk kupili.

## **W zymskich prózdninach do Schmiedeberga**

Dekanatne dušepastyrstwo přeprašuje šulerki a šulerjow 4. a 5. lětnika w druhim tydźenju zymskich prózdnin wot pónđzele do pjatka, 15. do 19. februara, na zhromadne dny do Winfriedoweho domu w Schmiedebergu. Zajimcy njech so prošu hač do wutory, 26. januara, pod telefonowym čisłom 03 57 96 (8 87 07) we Worklecach přizjewja, hdžež dóstanu dalše informacije.

## **Zhromadny dzeń za 1. a 2. lětnik**

Dekanatne dušepastyrstwo přeprašuje džěci 1. a 2. lětnika sobotu, 30. januara, wot 9 do 15 hodź. do Don Boskoweho domu we Worklecach. Zajimcy njech so prošu hač do wutory, 26. januara, pod telefonowym čisłom (03 57 96) 8 87 07 we Worklecach přizjewja.

## **20 lět ambulatna hladanska služba maltezow**

Składnostnje 20. róčnicy wobstaća ambulatneje hladanskeje služby maltezow we Worklecach budže sobotu, 23. januara, w 13.30 hodź. Boža mša w tamnišej kapalce. Přizamknje so džeń wotewrjenych duri w hrodže. Tam móža sej zajimcy wustajeńcu wobhladać a při hudźbných zynkach poswačić. Džeń zakónča něhdže we 18 hodź. z přikuskom.

## **Putniskej jězbje do Roma a do Grjekskeje**

W Swjatym lěće miłosće přeprošuju zajimcow na putnisku jězbu z lětađom do Roma, a to wot njedzele do štwórtka, 11. do 15. septembra. Dalša putniska jězba z lětađom powjedže wot póndzele, 30. meje, do wutory, 7. junija, do Grjekskeje. Wopytamy mjez druhim Athen a najwažniše marijanske putniske městno Grjekskeje Tinos, kotrež mjenuja tež grjeksi Lourdes. Nadrobniše informacije dóstanjeće pod telefonowymaj čisłomaj (01 63) 7 33 82 05 abo (03 57 96) 9 54 28 (po 19 hodź.) abo pola mje w Hórkach, Sydlišćowy puć 2.

*Maćij Hadank*